











Popovića iz Beograda i Svetislava Marčića iz Novog Sada, članove Saveznog prosvetnog odbora, i generala Pantu Draškicu, koji u našem Omišlju ima vilu, kao člana uprave Sokolske župe Zagreb i kao pretstavnika naše hrabre vojske.

Toople reči brata Turata, kojima se je setio naše Istre, bile su najtoplije pozdravljene od svih Sokola.

U svojem daljnjem govoru brat Turato podvukao je kako je velika sokolska ideja našla na okupu braću iz Beograda, Osijek, Ljubljane i Omišlja. Došli ste, braćo i sestre, u naš Omišalj da se odmorite, da se okupate u ovom našem plavom Jadranu i da se osunčate na ovom jarkom suncu. Ali verni načelu našeg osnivača neumrlug Tirša: »Uvek u pokretu, uvek u gibanju«, zaboravili ste na trud, muku i odmor i prihvatili se posla da na ovoj izloženoj točici naše mile Jugoslavije pokazete što mi Sokoli hoćemo. Da dokazete da smo mi svi Sokoli jedno telo, jedna duša i jedno srce. Da smo mi svi Sokoli članovi jedne velike ne samo jugoslovenske već i sveslovenske sokolske porodice. Cista, uzvišena i ničime okaljana ideologija sokolska našla je dubokog korena u našem narodu. No što je veći pokret, to je i veći delokrug našega rada.

Sve naše sokolske priredbe dokazuju da smo mi Sokoli pronašli pravi put za rešenje našega najvažnijeg narodnog zadatka: duhovno ujedinjenje svijug Jugoslovena. Mi ćemo ići tim putem onim istim poletom i sokolskom energijom, s kojom su i naša starija braća išli u borbu za oslobođenje i ujedinjenje.

Posle izvršenog programa je brat Turato u ime Sokolskog društva Omišalj podario braći Beogradanima lepu spomenicu s potpisom svih omišaljskih Sokola, a braći Osječanima prekrasnu sliku Omišlja, kao uspomenu na njihovo logorovanje u Omišlju.

U ime beogradskih Sokola zahvalio se je toplim rečima njihov starešina brat Momir Sinobad, a u ime osječkih njihov vođa brat Viktor Ladenhauer. Obojica su podvukli značaj sokolskih logorovanja.

Iza toga nastalo je pravo sokolsko veselje.

Dne 31 jula otputovali su naraštajci Sokolskog društva Osijek g. g. svojim domovima. Bili su ispraćeni od omišaljskih i beogradskih Sokola, koji su ih bratski i srdačno pozdravili i odlučili da se i naredne godine nađu na okupu u našem lepom Omišlju.

SOKOLSKO DRUSTVO RAB

Velebna sokolska manifestacija na Rabu. — Veslanje i plivanje za prvenstvo župe Sušak-Rijeka. — Javna vežba.

U nedelju 30 VII o. g. bio je veliki sokolski dan na Rabu. Povodom prvog pravog pomorskog nastupa našeg Sokolstva, priredila je Sokolska župa Sušak-Rijeka svoj župski izlet na Rab. Sokolska župa Sušak-Rijeka odredila je da u Rabu bude prvo veliko župsko

natecanje u veslanju i plivanju. Veslači i plivači stigli su već u subotu s br. župskim načelnikom Borasom. Rano u nedelju ujutro okupili su se veslači i plivači te plivačice na obali. Veslači natecali su se u četvircima na pruzi od 500 metara. Nastupili su veslači Sokolskog društva Baška, Omišalj, Rab i Sušak. Pobili su veslači Raba prevativši prugu od 500 m za 2 minuta i 21 sekundu. Drugi su stigli na cilj članovi Sok. društva Omišalj s 1 m (pramac čameca) iza Raba. Iza veslanja bila su natecanja u plivanju: članstvo 50 m slobodni stil, pa 100 m, 400 m, 100 m ledima, 100 m prsno, i štafeta 5 puta 50 m, članice na 50 m, 100 m, muški naraštaj 50 m, 50 m na ledima i prsno plivanje, ženski naraštaj 50 m slobodni stil, 50 m prsno plivanje i štafeta 4 puta 50 m, slobodno. — Pobedili su plivači i plivačice Sušaka. Nakon toga nastupila su sokolska deca muška i ženska Sokolskog društva Rab na 50 m slobodnim stilom. — Ova je točka vanredno uspeła i pokazala je pravi put sokolskom radu oko gajenja plivanja u sokolskim društvima, a početi moramo sa sistematskim gajenjem plivanja s našim najmanjima, pa da kada ponarastu postignemo i u toj grani u našim sokolskim društvima sve najbolje. Odmah posle podne počeli su stizavati izletnički parobrodi. Najpre je stigao parobrod »Topola«, pa parobrod »Zagreb« i »Plava«. Nakon ovih stigao je parobrod »Ljubljana« sa župskim starešinom na čelu sa župskim starešinom br. Poličem. Na parobrodu »Ljubljani« bilo je preko osam stotina sokolskih izletnika. Parobrode dočekivalo je Sokolsko društvo Rab, a kad je stigla »Ljubljana«, sav se je Rab slegao na obalu. Na mostu parobroda pozdravio je župskog starešinu Polića i svu braću i sestre sokolske izletnike starešina Sokolskog društva Rab br. Mahar, a odgovorio mu je br. starešina župe Polić. Starešina župe naglasio je, da su se našim župskom izletu priključili i braća i sestre koji logoruju na našem Gornjem Jadranu, Sokolska društva Beograd I i Matica (Omišalj), Smederevo, Osijek gornji grad (Omišalj), a naročito pozdravlja i braću Čehoslovačke naše kupališne goste na Jadranu, koji su se također priključili izletu i sokolskoj manifestaciji na Rabu. Nakon pozdrava krenula je velika povorka Sokola i građanstva glavnim ulicom i obalom Raba sve do Sokolskog doma Miroslava Tirša. Tu je bio razlaz i pokupi za javnu vežbu. — Javna vežba održana je u 5½ sati po podne na obali u Rabu na »Trgu 23 IV 1921«. Nastupile su sve kategorije članstva, naraštaja i dece. — Sve su točke lepo izvedene, naročito je ostavila vanredan utisak točka Sokolskog društva Sušak »Kolo slavenskih plesova«. Na javnoj vežbi bio je sav prostor na trgu i na obali prepun Rabljana, izletnika, a naročito brojni kupališni gosti, koji su se popeli i na parobrode uz obalu i promatrali vežbe. U 8 sati na večer uz pucnjavu mužara i uz vatromet napustili su izletnici Rabu. Ova je sokolska manifestacija na Rabu vanredno uspeła i dokazala da je Rab sokolski, a Sokolska župa Sušak-Rijeka udarila je pravi sokolski temelj sistematskom

gajenju veslanja i plivanja u našim sokolskim društvima. Pobednici na veslanju i plivanju, veslači Raba i plivači Sušaka, te plivačice Sušaka primili su prelazne darove, a naši najmanji pobednici u plivanju, sokolska muška i ženska deca Sokola Rab, primile od br. župe pobedničke diplome. Povodom ovog uspelog prvog natecanja u plivanju sakupljeno je za nabavku čameca skoro 4000 Din od kojih je br. Mahar, starešina Sokola Rab, dao 3000 Din. Čim Sokol Rab primi nacрте za čamec, iste treba preispitati i utvrditi stalan tip čameca za veslanje našeg Sokolskog saveza, pa da se nastavi što ustrajnijim i sistematskim gajenjem veslanja i plivanja unutar naših sokolskih društava.

SOKOLSKO DRUSTVO SENJ

Da iskaže vidljivim načinom dužno poštovanje požrtvovnom i nesebičnom radu brata prof. Vjekoslava Spinčića, društvo je priredilo dne 28 jula t. g. svečane zadušnice i komemoraciju u njegovu počast.

Zadušnice ot služilo je uz asistenciju mons. Ivan Vidas u stolnoj crkvi. Uz odar, urešen državnim zastavama i zelenilom, stajala su za vreme zadušnica četiri brata u odori. Prisustvovala su sve kategorije, pretstavnici društava i brojno građanstvo. Svečanom pomenom se pridružila i kolonija sokolskog podmlatka iz Otočca, koja letuje u Senju, pod vodstvom svog direktora brata Eda Štefana.

Zatim je u sokolani brat prosvetar održao govor o plodnom i neumornom radu dičnog vođe, učitelja i prosvetitelja, zatočnika narodnih prava, iskrenog zagovornika narodne sloge i jedinstva i sokolskog saradnika brata Vjekoslava Spinčića. Pozvao je prisutne da se, pošavši za svetlim primerom velikog pokojnika, odazovu njegovim opomenama i savetima, koje nam je ostavio u obilnoj meri za svoga života, pa da sve svoje sile i sposobnosti uložimo za dobro naroda i otadžbine.

Župa Tuzla

SOKOLSKA ČETA OSJEČANI

† Brat Savo I. Dimić

23 jula o. g. posle dužeg i teškog bolovanja preminuo je naš brat Savo I. Dimić u svojoj 36 god. — Jedan od osnivača Sokolskog društva Doboj, docnije osnivač Sokolske čete Osječani i načelnik njen, vredni član sokolske zajednice, dobar drug, odličan radnik i organizator u svakom kult., prosv. i sokolskom poslu, držeći se uvek gesla »Sve za druge, a za sebe ništa« — tako je radio i živio pok. brat Savo Dimić. — Razumljivo, da je ovim gubitkom četa Osječani najviše pogođena, jer je izgubila svog duhovnog i tehničkog vođu. — Sahrana pok. brata Save izvršena je 25 jula uz sudelovanje većeg broja članstva ovd. čete. Veličanstvena pratnja kod prenosa pokojnikova tela iz Osječana u Doboj (da se na dobojskom groblju u roditeljskoj grobnici preda materi zemlji), na 20 km daljine

hoda, svedok je kočko je pok. Savo kao sokolski radnik bio obljubljen od ovd. članstva. Rad u Sokolskoj četi neobično je volio.

Posle opelja na groblju s pokojnikom se oprostio u ime mat. društva Doboj starešina društva, paroh dobojski, brat Ljubomir Dučić — lepim govorom, istaknuvši njegove vrline i neumorni rad u Sokolu od njegove rane mladosti. Paroh koprivski g. Srpkio Dabić oprostio se također lepim govorom s pokojnikom, kao svojim škol. drugom, ističući njegovu drugarsku ljubav, dobrotu i radinost. U ime ovd. sokolskih četa s pok. br. Savom oprostio se br. Boško Banjanin, učitelj, načelnik i prosvetar čete Srp. Grapska-Bušletić, spominjući zaslugе pokojnikove za četu Osječani i Sokolstvo uopće.

Župa Varaždin

SOKOLSKO DRUSTVO ČAKOVEC

Sokolsko društvo Čakovec, konjički otesek, održao je u nedelju 16 jula na sportskom igralištu svoj prvi javni nastup. Kroz čakovečke ulice do vežbališta došla je sokolska konjica uz zvukove sokolske konjičke fanfare. Na programu je bilo: 1) Manješko jahanje. 2) Vežbe naraštajaca na konju. 3) Preponski karusel. 4) Skakanje prepona.

Ceo program izveden je najtačnije i u uzornoj disciplini, što je publika sa zanimanjem pratila i dala priznanje svoj braći svojim povlađivanjem. Nastupu je prisustvovala i konjički otesek Sokolskog društva Varaždin.

U razmerno kratko vreme dostigao je konjički otesek zamernu tehničku, muzičku i moralnu visinu. Samo tako napred!

OLIMPIJSKI DAN U VARAŽDINU

Olimpijski pododbor u Varaždinu, kome je pretsednik brat Stjepan Novaković, starešina Sokolskog društva Varaždin, priredio je u nedelju, 23 jula olimpijski dan, na kome su uzela učešća sva varaždinska sportska društva i Sokolsko društvo Varaždin. Održane su utakmice u tenisu, hazzeni, nogometu, biciklistici i t. d.

U trčanju štafeta 4x100 m postignuti su ovi rezultati: 1) Sokolsko društvo Varaždin 48", 2) »Slavija« 50 1/2", 3) Varažd. sport. klub 51 1/2". Stafetu Sokola sačinjavala su braća: Đurak, Samac i Kalbač (Varaždin) te Vizer (Prelog).

Odbojku je igrala momčad Sokol. društva Varaždin i Maribor s rezultatom 1:1 (15:2, 6:15).

Na preči nastupila je vrsta Sokol. društva Varaždin i brat Stjepan Boltizar, koji je na naukama u Zagrebu. Naročito se je istakao brat Julije Ke-rec, prvak župe, a efektne i teške satave izveo je i brat Boltizar.

U zaključnoj tački nastupila su 23 jahača konjičkog oteška Sokol. društva Varaždin pod vodstvom brata Ostrovskoga, koji su izveli dva vrlo lepa »karusela«.

Uzoran nastup Sokola pod vodstvom župnog načelnika brata Suligoja, izazvao je kod velikog broja gledalaca mnogo odobravanja.

Oglasište u »Sokolskom glasniku«

Vse tiskovine

vse potrebne knjige

vsa vabla, letake, lepake

za sokolska društva za sokol. knjižnice za sokolske prireditve Vam natisne Tiska šolske, mladinske, leposlovne in znanstvene knjige. Ilustrira knjige v enobarvnem in večbarvnem tisku. / Tiska časopise, revije, vizitke, bloke, kataloge in mladinske liste. Lastna tvornica šolskih zvezkov. Knjigoveznica Oddelek za učila z veliko zalogo slik naših velmož

KNJIGARNA V LJUBLJANI PODRUŽNICA V MARIBORU Tyrševa ulica šte. 44

UČITELJSKA TISKARNA V LJUBLJANI FRANČIŠKANSKA 6

KLIJEJE... KLIJARNA ST-DEU... »Spomen - klinec«... za osvećenje sokolske zastave najbolje i jevtino izrađuje MIRKO ŠMAT, graver Beograd, Terazije 1

PRVA JUGOSLOVENSKA INDUSTRIJA ŠPORTSКИH POTREPŠTINA M. DRUCKER Zagreb, Ilica 39 Beograd, Pasaž Akademije Nauka Vlastiti proizvod lako-atletskih sprava. Lopte za odbojku, medicinka, košarka, lopte za bacanje itd. ZAHTJEVAJTE BESPLATNE CJENIKE!

Vsem bratskim sokolskim edinicam! Z ozirom na splošno gospodarsko stanje in dejstvo, da omogočimo vsem bratskim edinicam nabavu potrebnega telovadnega orodja ponovno znižujemo cene za 20%. Pri plačilu zaključno vsote takoj z naročilom nudimo še posebej franko omet in pri naročilu preko Din 1.000.— postavno Vaša železniška postaja. Bratske sokolske edince prosimo, da tudi nadalje zaupate v solidnost domačih izdelkov, ter Vam zagotavljamo, da se bode vedno potrudili postreči Vas z najbolj popolnimi proizvodi. Tudi nadalje Vam hoćemo zvesto služiti ter prosimo, da se ob potrebi obrnete na naš naslov z vsemi Vašimi željami, da Vam moremo staviti svoje ponudbe in pogoje, ki bodo Vašim zahtevam najbolje ustrežali. Nađejamo se, da nas ne zapustite tudi v sedanjih hudih časih, polnih brezposelnosti, zato se obraćamo do Vas z geslom: »Svoji k svojim!« Zdravo! TVORNICA TELOVADNEGA ORODJA J. ORAŽEM - RIBNICA NA DOLENJSKEM • DRAVSKA BANOVINA

Širite Sokolski glasnik! »Soko« »Sokolić« i »Našu radost«

Širite sokolsku štampu! Svako sokolsko društvo, svaki član i svaka članica treba da nabavi Sokolsku knjižnicu I. sveska: E. Gangl: O sokolski ideji. II. Ing. Lado Bevč: Sokolsko prosvetno delo. III. Dr. Miroslav Tyrš: Naš zadatak, smer i cilj. IV. Vekoslav Bučar: Dr. Ivan Oražen. V. Dr. Miroslav Tyrš: Sokolska gesla. VI. Jan Pelikan: Dr. Miroslav Tyrš. VII. Jan Křen: Cilj sokolskih teženj. VIII. E. Gangl: Tyršovo Sokolstvo. (Sloven. tekst). VIII. a. Isto. (Srpsko-hrvatski tekst). IX. Dr. Niko Mrvoš: Pogledi i misli dr. Miroslava Tyrša. Svaka sveska stoji 3 Din PUTEVI I CILJEVI U tvrdom povezu 8 Din Franjo Maćus: ODBOJKA (VOLLEY BALL) U kartonu 12 Din Franjo Malin: Praktički udžbenik češkog jezika. U kartonu 15 Din Dr. Viktor Novak: SVESLOVENSKA MISAO U kartonu 9 Din Miroslav Ambrožič: METODIKA SOKOLSKE VZGOJE U tvrdom povezu 36 Din Franjo Malin: ČEHOSLOVACI I ČEHOSLOVAČKA U kartonu 15 Din Jugoslovenska Sokolska Matica Ljubljana, Narodni dom 353-30 Telefon 25-43 I Račun poštanske štedionice Ljubljana 13.831